

130

Pregadorìa a Sant'Antoni 'e su Fogu

(Pro Desulo, ma non solu, anzis pro tottu sa Sardigna)

Sardigna!

Da òe s'orizzonte
ti sorridad de fronte.
Inùe es' tenebrosu
diventet luminosu.
Sorrisos de piseddos,
limpidos, che isteddos
ind'un'immensa aèra,
ghetten noa lumèra
de paghe e de amore,
ùe tottu ha' dolore.
Non piusu una rughe,
ma solu affettu e lughe!
Como in dòndzi leada,
de te Sardigna amada,
crescat dòndzi familla,
serena e tranquilla.
Triunfet s'onestade:
su Frade de su Frade,
ricambiet s'istima
sempres pius de prima.
Antoni 'e su Fogu!
pro cust'amenu logu
invoco sa difesa
de sa menzus ricchesa,
chi si potha' pensare,
e dòndzunu isperare;
ricchesa chi esistit,
e pro mene cunsistit
in: "Tranquillidade,
Salude e Libertade".
Antoni, Santu Mannu,
non permittas chi dannu
suzzedat prus inoghe!
Ascurta custa oghe
ch'isperanne ti pregat,
e mai ti rinnegat;
anzis, pro ricumpensa,
ti cantat gloria immensa.

(Precadore)

GIOVANNI G. COSSEDDO
CAGUARI-PIRRI